

Is traballus

(In su casteddu 'e Santu Miali)

Juanni: Çau Lisa', aundi funt is atras ? Crara e Aleni ancora a arribai funt?

Lisandru: Bo', no ddu sciu a ndi siant, ge ddas connoscis, ki no arribant a trigadiu no funti prexadas!

(In s'interis nd'arribanta Crara e Aleni)

Crara: Çau! Abetendi de diora festis? Eus tentu barrancus cun su motoreddu!

Lisandru: Apu apariçau is preguntàrius po sa circa asuba de is traballus de is babus e mamas nostas.

Juanni: E intza', ayò ki inghitzaus, ki est trigadiu!

Crara: Àndat beni, imoi andaus a nke is babus e mamas nostas e si bieus a is noi oras in s'arretza, podeus imperai su missadori.

Aleni: Eya a si biri!

Lisandru: A si biri!

(Lisandru àndat a nke sa mama ki esti professora de sa scola mesana)

Lisandru: Çau mamai!

Tzia Melis: Çau.

Lisandru: O mamai, candu as inghitzau a imparai a-i scola ?

Tzia Melis: Apu inghitzau a jobonedda, tenemu, 25 annus.

Lisandru: A traballai cun is piçokeddus, traballosu o fâtzili esti?

Tzia Melis: No esti traballosu meda, a mei praxiat e praxit ancoras!

(Aleni àndat a nke su babu maist'e arretza)

Aleni: Çau babai! Strobendidi' seu?

Tzia Arjolas: Çau Aleni, no no, intra ge no mi strobas, apu acabau imoi imoi unu jassu.

Aleni: O babai, cantu traballas a sa di'?

Tzia Aleni: No meda, cantu serbit a annoai is jassus e a arreciri is burrikianus.

Aleni: Ita faiast innantis de essi maist'e arretza?

Tzia Aleni: Deu faemu unu muntoni de traballeddus spassiosus, bendemu e arranjamu arràdius, arrelojus e atras cosas pitikeddeddas, ma bellixeddas meda!

Aleni: Kini est ki t'at imparau su traballu?

Tzia Arjolas: Nemus, apu imparau a solu.

(Juanni àndat a nke su traballadroxu de su babu jòmetra)

Juanni: O babu, cumpricau est a disinnyai domus?

Tzia Frau: No, no esti difitzili, apu studiau meda po arrenesci a fai progetus mannus!

Juanni: E ta est su progetu prus bellu ki as fatu?

Tziu Frau: Apu progetau unu ponti in una biddixedda, ki di serbiat po acapiai is duas perras de sa bidde.

(Crara àndat a nke sa mama drucera)

Crara: O mamai, a babai a drucis d'as fatu colai?

Tziu Pòddighe: Eya m'at coyau ca di praxiant is drucis! Ma la' ki ses barzariota!

Crara: Cantu drucis fais a sa di'? ndi fais prus imoi a màkina, o in su passau a manu?

Tzia Pòddighe: Ndi fatzu 50 killus imoi a màkina, candu dus faemu a manu ndi faemu 30 kilus sceti.

Crara: Cali funt is ki bendis de prus?

Tzia Pòddighe: Is cun sa crema e is cun su çuculati!

Crara: A cantu su druci?

Tzia Pòddighe: A 10 francus su kilu.

(In su missadori in s'arretza)

Juanni: Çau ! totu teneis?

Crara: Eya !!

Juanni: E intza' ayò ki si poneus a traballai! Depeus fai su còpia e apodda de is preguntàrius.